



Australian Government

COVID-19
✓ **VACCINATION**

AstraZenecar Maalumat

AstraZeneca Véksin

AstraZeneca véksin adde ekkán omil háalot or bútoore ekkán talluk asé, ziyán ót lou zoma wá adde lou platelet level ókkol hom wá cámel asé. Háalot yaán óre Thrombosis loi thrombocytopenia syndrome (TTS) boli hoó.

COVID-19 véksin óre baleg manúic beggún ólla mocuwara diya giyyé. COVID-19 or khélaif Pfizer véksin óre 60 bosór or lamar baleg ókkol ólla ahámíyot diya giyyé. Bahárrhal, 60 bosór or lamar baleg ókkol é AstraZeneca véksin loon gán óre ekteyar gorífaribó. Tuñár daktor loi hotá hoó tuñár fáisela gán loite modot goribólla.

60 bosór yáto aró uoror manúic óre AstraZeneca véksin diyazaibo.

Thrombosis ór fúañti thrombocytopenia syndrome hóde (TTS) íba kí?

Thrombosis maáni lou zomoon.

Thrombocytopenia maáni lou wór platelet level ókkol hom úwa.

TTS óiyedé omil, AstraZeneca véksin ór emkani dhákkya asór. Zodi yáan óile, hótórnak óitfare ar maazur yáto moot gorífare. TTS é lou zoma ókkol goré, zían gaar alog alog híssat óitfare. Yáan é aró lou wór platelet tobka ókkol óre hom gorífare zían é khún neelar íkka loizaifare. Pfizer adde TTS or mazé honó talluk náí.

TTS hoóñtte óde?

Repot goijjá TTS maamela ókkol óiye 4 ottú 42 din or bútoore óiye véksin baade, hámica AstraZeneca véksin or foóíla foijjal loi.

TTS hoddúr aám?

TTS omil. Ehón AstraZeneca COVID-19 véksin maragiyédé manúic 100,000 ót tokoribon 1-2 zon óre yaán é asór goijjé boli andaza gorá giyyé. Lékin 60 bosór or lamar gún óttu, yáan or maf aró wore 100,000 manúic ot 2-3 zon fujjonto boli andaza laga giyyé. Aandaza íín óre taza gorá zaibou zehón bicí maalumat ókkol faazaibou.

Honó gurúp ókkol beec TTS hótarat mazé asé néki?

TTS oré hoicca baleg ókkol óttu beec aam deházar, zodiyó hían óre beec boiccá manúic óttu yó repot gorá giyyé. Añára nozaní zodi age loti honó sehéti ór daktori háalot ókkol táke zían é lou zoma úwa ré bolde Ricácar ókkol é yíán óre tahákik gorér.

TTS ór alaamot ókkol ki?

TTS e kessú lamar alaamot ókkol gorítfare:

- ekkán soktó lagatar matá hoñorani zían:
 - véksin marari *baade* homot 2 din baade daháza
 - maamuli bic ór dabai loi bála noó
 - neçi tákile beec óitfare
- óiccaní adde hoo goráni
- suké añccwá mara
- hotá hoité mockil
- zúrání
- súañfira ókkol
- niyác félaite mockil
- sínar bic
- tuáñr théng ót fúla
- lagatar féth bic
- sam or tole lou wór fúça ókkol injékcen óttu duré.

Zodi tuñí yáto oinno manúic óttu COVID-19 véksin marar baade hótornak hóraf asór ókkol ó, tuñáttu fóuran uzuzu 000 't koól goróon saá.

AstraZeneca véksin or fáaida ókkol hótora ókkol óttu aró boro né?

Ói. Véksin marar fáida ókkol hótara ókkol óttu aró boro háasgorí boc bicí óla maincór la zarttú COVID-19 loi bearam foribár hótór becí.

Keén óibou zodi tuñí 60 bosór or lamat ó, ar AstraZeneca or foóila foijjal loibólla nam leká diyó?

Zodi tuñí AstraZeneca véksin foíla foijjal loibollá nam leká diyyó, ar tuñí 60 bosór or lamat, toíle tuñár daktor loi hotá hoó. Véksin loiba né fáisela goríte hítara tuñár modot goríbó.

Keén óibou zodi tuñí AstraZeneca véksin foóila foijjal loiyó ar tuñáttu dusóra foijjal loibar thaim óiye?

Repot goijjá TTS ór mamela tokoriban beggín ói aiccé AstraZeneca COVID-19 ór foóla véksin baade. Tuñár AstraZeneca véksin marar baade zodi tuñáttu hótornak dhákkya asór noó, tuñár dusóra foijjal loibóllá tuñí etminan óifaribá, zodiyo tuñí 60 bosór or lamat ó.

Age lou zomitóu dé manúic ólla AstraZeneca véksin maháfuz né?

Zodi age tuñáttu oinno kisím or lou zomani ókkol accíl dé óile, tuñí ehón ó AstraZeneca véksin loifaribá. Ei hotár honó sóbut náí déki age lou zomani táka ye AstraZeneca véksin or baade TTS or hótora ré barái de.

Aró maalumát ollá

Zodi AstraZeneca véksin or baabote tuñáttu súwal ókkol táké, tuñár daktor loi hotá hoó, www.health.gov.au/covid19-vaccines-languages ot zoo, yáto Wotóni Korunaváiras Modotlain 1800 020 080 ot koól goró. Torjoma adde buzáidiyar hédmot ókkol ólla, 131 450 ot koól goró.